


四明叢書

張宗祥



錢忠介公集卷二十六

附錄六

續編下 詩

瓜里元日同錢希聲憑樓望海昌

同縣 徐振奇 可貞

江皋旗幟一番新戎服憑危總罪臣
伍相怒濤春晝夜越王霸事涉冬春
義聲直達口洲外腥穢難空浙水濱
遙望鹽官名下士南冠應念哭秦人

瓜里幕府感事 五首之一

同縣 全大程 式躬

賀蘭應萬死孤負是顏公從此蕭牆內
同歸一閨中

方

東與朱閣部爭金華
王武寧奪錢侍郎餉

錢都御史以哭徐聖思詩見示敬和

同縣
全吾騏 北空

信陵救趙日赤手亦輕前不有侯生策應爲餓虎憐國
殤甘一死血路壯重泉爲語諸軍府清人定赧然

貞羣案聖思名啓睿自稱白衣參軍戰死江上錢公

元詩今佚

遙寄錢張二先生

同縣
管道復 聖一

問誰大物楚人咻世食君恩肯事仇義鼓聲敲多士恨

檄書讀破萬人愁江干浪濫飛車馬海畔星移度斗牛
願逐波臣朝夕吼厓山舊恨掛眉頭

琅江訃至

同縣 全吾騏 隸青

六狂生挽蛟關轡六大營連閩海踪南嶽諸劉豈天廢
厓山三相竟凶終可憐野死同碩甫猶幸全歸勝老熊
瓜里諸軍如昨日懋遺一箇更堪恫

謂彤菴先生

舟次琅琦謁錢希聲相國殯宮

同縣 張煌言 玄箸

琅江東去水如油拜墓停橈古渡頭赤手曾扶板蕩運

黃腸猶帶黍離愁
波濤腥壑蛟龍蛻
風雨荒塋麋鹿遊
懸擬轉車歸兆日
同天應已靖旃裘

句餘霸氣已成灰
轉憶當年漢幟開
王謝聲名原伯仲
溫劉事業總追陪
自從化劍分豐獄
誰復調琴到夜臺
戎馬南方猶未息
故人空負炙雞來

長樂遙弔錢忠介公墓

同縣陸 鋈 鈐侯

慷慨登壇豎義旗
日斜不受魯戈揮
兩閒正氣留孤島
千載忠魂返故祠

公歿後爲吾郡城隍神

繞墓黃雲猶掩靄
乘潮

白馬自飛馳
流傳筆墨人爭拾
珍重遺文琬琰垂

漢竹樓集

公遺篇
見示

貞羣案漢竹董孫符字也諸生續甬上耆舊詩有傳

黃檠弔明大學士錢忠介公

肅樂墓

錢塘陳文述退庵

軍中走孱王海上迎監國巍巍忠介公鄉里之名德首

事六狂生懷抱契與稷一呼盡左袒義聲動忠赤姚江

播先聲孫熊矢正直

謂孫公嘉績熊公汝霖

慈鄞卽繼起馮沈一

心力

謂馮公元勵沈公宸荃

兩鎮來會師旌旗各變色

翁洲黃斌卿石浦張

振名五邑並輸餉繹絡軍儲積以公爲弁冕爲公作羽翼

海道援當湖前籌計殊得合兵議未成分餉事何亟兼
之頒詔嫌幾肇尋師隙釁以珠難剖萋菲錦誰織勤王
志未酬散軍心孔惻入閩閩亦破狂濤汨潮汐轉徙甘
野死海壇與文石昔也矢從戎淚血漬縷墨今也悲遁
野戰塵浣衣被鷺門再從王精白消反側赫赫六大營
聯兵列雄戟始若用公言三吳可傳檄繼若用公言八
閩歸尺籍豈意天心去遂令人事逼二朔互水火諸將
各門闕一誤戚畹張國俊恃勢恣忤刻反援逆臣謝三
寶排擠心叵測馬阮本狼狽方王亦鬼蜮遂令江上師

連營潰軍船再誤由鄭彩驕盈漸狂悞熊鄭國大臣公
然肆殘賊封章擅批答焚掠任胸臆逍遙賦清人何止
鄭高克天柱傾東南地維折西北所死煩祝宗遺耆各
心蠶終見海波沸遂令炎井熄六載瘞琅琦一抔乞黃
檠殘僧墓地捐故老崇碑勒骨肉先後死殉國到姻戚
海槎山寨閒聞風起千百殷頑煩大誥甘心蹈誅殛忠
義感人深虞淵挽日昃張公煌言並公起籌筆資擘畫
三驅橫海軍一建窺江策終從文山死誰瘞萇弘碧遺
冢在南屏年年弔寒食今來謁公墓南枝鬱遺植遺集

出人閒燭漢長虹白誰刊第二碑太史文章伯長歌朱
烏詞招魂海天黑

哭故督相錢公

全大程

疇昔墨衰從戎日慟哭呼天天雨血巖關悍帥竟心回
同城逆豎亦膽裂似此人心或有成況復同盟百輩出
連塵瓜里六家軍中原指顧在一決誰知殺運尙未消
鴟梟乘之肘坐掣散軍尙自泣河魚亡命曾聞啖山朮
百死不死到琅江落暉重向虞淵揭鯨人蜚戶雖恩恩
蠟灘蜃市亦卒卒攜得靈宵兩怒潮再試延津雙神物

三十餘城已立摧又復鵠鵠相駢孤臣拮据更卒瘡
閩耶浙耶同一轍濟則君靈不濟死從此精枯亦髓竭
六度出師空自勞三呼過河亡也忽更聞有弟克從兄
馬革裹尸足痛絕我亦魯公一故人竄伏菰蘆慚苟活
坐待狐貉噉未消孤負隻雞哭天末茫茫此恨何所投
化作南枝依墓闕

海鶚歌萌蒞子作以速錢希聲也先是余亦勸之
去不果和歌以弔錢并識萌蒞子之早見

華亭

徐孚遠 復齋

海上鶚何不飛乃在臯羣曳羽衣羽衣楚楚將安歸
海上鶚亦欲飛一時戀主心依依嚙音脩尾使人悲
海上鶚逢鵠雛和鳴喈喈兩相於勸爾連翩徙東隅胡
爲乃入虞羅中青冥之羣不可呼

哭錢虞孫

同縣 周元初 立之

十年風雨其黃昏指語文章報國恩不謂江山依落日
到今社稷寄孤魂身思此日原無主舌欲招余尙可論
向若泉爐尋古識蹢躅一縷愧猶存

前哭錢虞孫

庚寅冬

同縣 陸宇燏 居明

莫覩朝來鳳時聞啼夜鳥信音五載隔形貌百年無何
氏收遺稿知誰恤後孤茫茫迷哭所豈是目糊塗

自遭多喪亂遠羈天之隅同事幾分散交朋半有無夜
臺棲海國泉路識東吳思得談衷曲相期在夢塗

江上一爲別淒涼百歲殊尋言如在耳回夢恰聞呼墓
植幾行樹墳蟠何處壚登高東望哭魂兮知我無

我有一卮酒欲奠亦何之目斷光靈變風吹影像移冥
尋應有路夢涉恨多歧空溼英雄淚誰甘竹帛垂

後哭錢虞孫

前人

辛卯十月其弟自翁洲歸備詢七年中事再賦

哭之

自聞虞孫死十日九日狂惻惻重惻惻景物多感愴知音既已矣斯文誰與商我有離俗志君多疾惡腸直道生斯世云何壽命長此事古所重此意今非望哀哉白日晦淚溼沾秋霜長夜茫茫爾如何付一觴

零落三兩字珍惜千萬年君子重節概或不貴簡編人朽文不朽所恃在後賢何意錢子文飄忽同散煙人生能幾文人文能幾傳沈痛行行血驚呼字字禪亡此與

後人千載失韋弦
旅月照虛壁
秋風吟空筵
已矣勿復
道一問一潸然

一別難與期
不謂成永別
別不爲生死
愁豈在顏舌
執手相丁寧
丁寧種種血
不謂別數年
遂已歸漸滅
蒼胡爲乎乃
使忠胤絕
一問一嗟吁
流水空咽咽
大晝白日
昏星隨明月
滅我有千萬
言更向何人
說

形骸無異爾隄上
一長楊春氣敷
肥綠落葉敗秋
霜鐵慨吟悲風
重疊投清江
惟餘婆娑影
時時映北窗
身死子又死
形與影俱藏
吁嗟錢虞孫
誰爲嗣其芳
或曰子

謬矣錢子奚其亡身死名不死留芳未渠央顧彼悠悠者皮頑中已僵樵夫芟刈之東東同枯桑

哭殉難諸公詩

同縣 林時對 殷鳳

鄞縣錢忠介公肅樂并序

公素負氣節太倉歸從諸紳中一見余傾倒歡若平生乙酉閏六月以比部郎墨綬從戎分守瓜壚江蠡城潰浮家入閩潛至福清龍峯巖從僧碧居祝髮嘗題壁云一下猛省時身世不知何處數聲鐘磬裏歸途還在這邊將終隱矣會

監國至鷺門公朝見拜大司馬丁亥秋熊公舟
次琅江罹湛族之變晉公揆席調劑水陸心枯
力竭日嘔血數升至戊子六月竟殞年四十有
二旅櫬荒郊踰六載甲午冬葉霞臣進晟捐貲
營壙屬義士姚翼明遷公並夫人董嫂陳子姪
等五柩合葬黃檗山閩人劉沂春爲碑記

軍散錢江到鷺門碧居芟染業收魂一絲繫鼎憂香燼
兩載垂褱涇淚痕夸父有心追頓轡魯陽無計挽朝暉
只今夜夜胥濤怒黃檗山頭氣欲吞

哭錢忠介公詩

并序

同縣

高宇泰

纂
官山

于昔濫竽耶嘗得以監軍奉錢先生頗悉軍中
纖細已而先生解師予亦奉命回署旋以使事
歸而先生卽扈蹕入閩自是音儀永隔聞其以
一旅恢復數郡終以孤軍不能成功復受驕弁
之厄疇昔同志相繼殤陷幽憤嘔血齋志以沒
今寄一抔於寒波荒浦之上忠懷盡隔無有能
葬之者予也心念舊恩能不悁悁以悲者乎仿
曹植謁帝承明廬作以寄思焉